

اَجْتِهَاد

نومرو ۳۳

مندرجات

سلام ساکت
عبدالله جودت
حسین کاظم قدری
محمد نوری
فاطمه انسیه
نعمیل بونمی

دو قور عبدالله جودت
کشور عقول
تورک لسانلری
طرابلس غرب اطرافنده
زایون چو جوقلری
انکلیزلر



2483

آدرهس :

IDJT I HAD

اوچنجی سنه

اجتهاد

آدرهس :

اجتهاد ادارهخانهسی :

شهر اماتی قارشینده دأرؤ

مخصوصه در .

سنه لك آبونه بدلی ۴۰ نسخه سی

۲ غروشدر

آیده ایکی دفعه نشر ایدیلیر اقتصادی ، اجتماعی ، ادبی ، مجموعه

دوقتور عبدالله جودنه

۱۷ تشرین اول ۱۹۱۱

قاردم جودت ،

سكا صوك زمانلرمزك تاريخندن بر صحيفه آغلامق
ایسترم اوت ، یازمق دکل ، آغلامق ! . .
چونکه صحیفه لر واردرکه یازماز ، آغلانیر .

اون اوچ سنه اول آلمانیا ایمپراطوری ایکنجی
ویلهلم ، عثمانلی پادشاهی عبدالحمید ثانی پی پاختنده ،
ایکنجی دفعه اوله رق ، زیارت ایتدی . سن او زمان
ئوله مک وئولدیلمه مک ایچون طرابلس غربدن اوروبایه ،
یعنی زنداندن منفایه قاچمشدک . بنده بر پیغوله رفاه
ایچنده . . . فقط قیورانیوردم .

آلمانیا ایمپراطوری ایکنجی ویلهلم استانبوله کیره چی
کونک عرفه مشومه سنده - ظاهرده برد کیز فیرطنه سی
بهابه ایدرک ، حقیقته ایه تند باد خاطره قاپیلهرق -
یونانستانک زانطه آطه سنه چکلدی . بو آطه ده مرسا
نشین اولان محتشم (هو هنزولرن) یاطندن عثمانلی
پادشاهی عبدالحمید ثانی به چکدیکی بر تلغرافنامه ایله

(کرید) ک عسا کر شاهانه لرندن کاملاً تخلیه ایدلمسی
- امره بگزین بر لسان ایله - رجا ایدیوردی .

بو رجا ، بو امر درحال اسعاف ایله کرید ، هم
عثمانلی عسکرندن کاملاً تجرید اولندی ، هم یونان
قرالک اوغلنه پیشکش ایدلدی .

بز دوستلک بو اهانت ظالمه سندن اصلاً متأثر
اولمقمن ، ایمپراطور حضر تلیرنک کرک استانبوله
کیررکن ، کرک چیقارکن بیقلرینی عشق ایله ، شوق
ایله آلقشلا دق .

بو پک طبیعی ایدی . چونکه بز او تاریخده فلاکت
ملیه دن تأثر ایتیه جک قدر چورومشدک .

(اوتاریخده) دیدم . بوتاریخک تمایلات ومصابئه ده
بزدن صوگره کلنلر لغتخوان اولسون ! . . .

ویلهلم عبدالحمیدک استانبوله کی سرایندن صلاح
الدین ایوبینک شامده کی تر به سنه کیتدی .

بری قانچیلقدده ، کچوکلکده ، قورققلقدده ،
خیانتکارلقدده ، دیکری مردلکده . بیوکلکده ،
قهرمانلقدده ، وطنپرورلکده تاریخ اسلامک برر منتهاسی
اولان بو ایکی سلطانه آلمانیا ایمپراطوری عین احترامی
ایفا ایدیوردی . عبدالحمیدک کینکاه اهانتپناهنده نه لر

کشور عقول

نه دینیر ه دینسین ، نه یاییلیرسه یاییلسین بن شو
فکردهیم که فتح کشور دوری چوقدن کچمشدر .
شمدی فتح لركده مفتوحیت لركده اك مهملری کشور
عقولده اجرا اولونیور و اولوناجاندر . بز بوکور ایتالیا
ایله حرب اییدیورز . بو، حربك ظاهرده ، مرئی
و محسوس اولایدر . حرب لرك اك مدهشنی باشقالری
ایله اجرا اییدیورز . و علی الدوام و هر دقیقه دها زیاده
مغلوب اولاراق اجرا اییدیورز . بونی آکلاماق ایچین
کومروك ایستاتستیکلرینی ، تورکیاده دوتلرك تأسیس
ایتمش اولدوقلری مؤسسات مالیه یی ، مؤسسات تدریسیه یی
تدقیق ایتمك کفایت ایدر . طوب پاطلاماقسزین ، تفنك
آتیلماقسزین حتی بورون قاناماقسزین تورکیاده اجرا
ایدیش اولان حرب لرده تورکیانك نه قادر مضمحل
اولمش بولوندیغی تدقیق ایتمك انسانی دهشته دوشورور .
بغداد شومندفرینك انشا امتیازیله برابر آلمانیانك
تورکیادن تأمین ایتمش اولدیغی منافع تورکیانك زیاننه
اولاراق او قادر بیوکدر ، که (طرابلس غرب)ك
ضیاعی اونك یاننده تالی اهمیتده قالیر . حیدر رفعت بکك
« تهلکەنك بیوکی » عنوانیله ترجمه و نشر ایتمش اولدیغی
طوق بیر رساله بو یاره مزى پك ایی معاینه و اظهار
ایدیور . بو مسئله یی بوراده ، دیمك که ؛ تشریح لزم
یوق : آلمانیانك تورکیاده کی فتوحاتی بونکله هیچ
قالماشدر ؛ :

L' Europe et l'Empire ottoman

یعنی (اوروپا و تورکیا ایمپراطورلغی) عنوانلی کتاب مهمك
مؤلفی اولان (رنه پینون René Pinon) المانلر حقنده
« اونلر تورکیاده هیچ دن باشلامش وهرشی اولمشادر . ۱۹
دیورکه بوبانده بوندن دها پلبغ سوز اولاماز . نوت

سویلندیکنی و نلر کچدیکنی تاریخ تمامیلله بیلمز .
فقط صلاح الدین ایوبینك تره سندن حشمتلو ویلهم
حضر تلرینك عالم اسلامه کوندردیکی سلام ، حافظه
بشرده مؤیداً یاشایه جقدر . ایمپراطور ، ازانك سلطنتدن
دها بیوک اولان اوصدوقه نك اوکنده ، ديك بیقلرینك
اوجندن دائماً آفاق و شکار دورا دوره باقان قارتال
باشلی کوزلرینی شرقه توجیه ایله ،

(اوچیوز ملیون اهل اسلامه بندن سلام اولسون .
بن اونلرك صمیمی و دائمی دوستیم !) دیمشدی .
اعتراف ایدلم که اوچیوز ملیون اهل اسلام بوسلامه
تشکر و بو دوستلغه اعتماد ایتدی . بو سلامك اوکنده
طونه نهرندن جاوه آطه منه ، فاسدن امید برونه قدر
هریر و هر قلب تتره مشدی .
فقط اشواقك دوره حیاتی ، ماتملرك ادوار دوامندن
چوق قیصه در ! ...

بوسنه و هر سك مسئله سی صورت قطعیده حل
اولنورکن ، او اسلامقریب سلامك ناصیه تأمیننده ایلك
اشمئازلر بلیردی . چونکه اوکون علناً کوردلی که
ایمپراطور حضر تلرینك دست چینه متسکا اولان قیلاج
آوستریا لهنده صیرلمغه مهادر . بو کونده (دوست)ك
ملك مشروغنی (متفق)ك حرص منفورینه طعمه ایتمک
چالشمقله آلمانیا ایمپراطوری حشمتلو ایکنجی ویلهم
حضر تلری اوچیوز ملیون مسلماننه ، منجی اکبر
اسلامك تره سندن تصدق ایتدیکی سلامی برکوره دها
تذلیل ایتمك ایستور .

ایشته قاردشم جودت ، سکا آغلامق ایستدیکم
صحیفه تاریخ بودر ! ...

سليم ما کت

